

黃葉閒譚

維摩精舍叢書
之二 商衍濬題



黃葉閒譚

維摩精舍叢書
之二 商衍鑒題



常州大學圖書館
藏書章

圖書在版編目(CIP)數據

黃葉閑談／袁煥仙講述，南懷瑾等整理．——上海：

上海書店出版社，2016.1

(維摩精舍叢書)

ISBN 978-7-5458-1215-2

I. ①黃… II. ①袁… ②南… III. ①佛教—研究

IV. ①B948

中國版本圖書館CIP數據核字(2015)第316880號

黃葉閒譚目錄

第一講 緣起

第二講 權開一門

第三講 假說五法

甲 起信

一 迷信

二 實信

乙 依師

一 擇師

二 事師

丙 勤三學

一戒學

二定學

三慧學

丁 警語

戊 悟緣

第四講 或者問

維摩精舍叢書之二

黃葉閒譚

无星署

版存成都
維摩精舍

鹽亭袁煥仙先生肖像



黃葉閒譚序

序曰大言希聲大聽絕聞大道無階不卽匪親求之轉遠其趣學也不亦難乎抑已淵矣

煥師乃口授茲篇一改平昔壁立千仞之風而囁囁如老嫗談者蓋黃葉止啼誘掖初機將以無階而階求大言於聲大聽於聞也曰一門曰六法信口赴機耳雖然依言立義立處卽真苟至於真則又一毫不寓萬相咸該如牟尼珠然方方顯色色色透圓而於是珠者色歟圓歟噫其初學之津梁入德之勝徑者矣人俊躬味斯法妙逾靈蘭義不忍埋爰付之梓乃

揭於同儕曰還家要道及寢良規於是乎在

門人鹽亭黃人俊敬序

中華民國三十一年十二月

目

黃葉閒譚

鹽亭袁煥仙先生口授

溫州南懷瑾

編撰

門

南充徐劍秋

編撰

鹽亭范天篤

記義

潼南傅仲穆

記事

廣漢楊光代

記事

鹽亭黃人俊

記言

鹽亭王迺鶴

記言

人

我山大坪寺釋通遠校訛

峩山大坪寺釋通寬校訛

華陽呂寒潭校訛

西充楊介眉校訛

隆昌饒盛華繕稿

第一講緣起

維摩精舍第一屆行七已諸子曰集每興難問若曰
向上一路千聖不傳然則入者何入趨者何趨百工
之術尙有徑循也矧單提之的旨萬有之至行可以
入而無戶由而無道乎於是咸趨座下禮問

先生怫然而起翻然引去諸子自恣莫岸其涯如是

數日數問莫聞其旨中秋之前夕庭桂宵馥砌蘭夜
芬共茗月下申問如前

先生曰凡有言說都無實義何有吾宗進曰若然無
言無說卽實義卽宗旨卽階道歟曰有且非況無邪
進云行人但有言時不作有想無言時不作無想卽
實義卽宗旨卽階道歟曰有有有無益增乃病進曰
噫我知之矣有無不拘一派圓成出主入奴法爾如
幻的實義的宗旨的階道矣故六祖能曰有無皆不
立長御白牛車如何

先生曰止止學般若人慎勿如是戲論如是謗言如

是惡口倘不自悛詎曰遺譏君子實亦果遭迂曲問者大惑益阻復禮而叩曰學人愚昧罔測幽遐願先生哀我赤忱竝矜來學令未入者思入思入者能入能入者升堂及寢而得入用光前烈爲章後世如是數請先生以手拈鬚以目顧衆久之乃曰

此事人人具足箇箇圓成不趨已入說箇直超早已成了接引之言方便之語何也所謂法身化身報身穢土淨土實報莊嚴土常寂光土一切一切已舉未舉無不等現法爾圓成不從人得不因師授不以己求實無修證千聖所由諸佛共履而當人偏偏要人

許多知許多見許多奇特不奇特到他分上遂弄成
人人不知具足箇箇不悉圓成於是乎入不得入信
不自信奇言妙義興也魔外邪正之立三藏十二文
字語言非文字語言興也實際理地那有如許多事
來先聖憫之爲設檀度上中下乘爲利初機戒定慧
學乃詮共德就自肯之淺深假立階梯因入德之難
易權稱頓漸實無實法寧有要門當人果能於此一
覷覷破一了了卻不但一切經一切論一切臨濟三
玄曹洞五位瀉仰圓相雲門鑑咦一切是法非法勝
法劣法等等皆成話柄而當人自身亦成話柄也入

從何入趨從何趨果有入路或有趨程諸子諸子入
來入來眾無語

先生復曰若言能入龜毛千尺若言不能入不特佛
法無靈而且兔角萬尋然則究竟一句畢竟如何
先生曰向汝道木樨花開八月秋諸子復請未已久
之又曰余已罄量數陳脫體開說而猶云云者何邪
百無可已於是以四講而權開一門假說五法擇揀
先聖偉言略附個人鄙意如說成帙且曰善用我法
踏毘盧頂上人或泥己私必繫驢橛下客倘不自契
乃心終是吾瞎汝眼若曰卽明本性方知不從人言

把葉作金咎固我也因指認月義豈他哉勉之勉之
第二講權開一門

曰顯曰密曰禪曰淨曰般舟乃至空有諸宗萬流競
射德實一趨及其趨已不但競失萬流而實趨無一
德釋氏之學萬有之殊悉盡於此故曰人無我法無
我當人果無人法兩執又不落在不執處一派圓成
逢佛說佛逢祖說祖逢天堂說天堂逢地獄說地獄
逢人說人逢一切說一切不但善惡境界地獄天堂
奈你不何卽三世諸佛釋迦老子亦窺探無門覩你
不着豈不誠大丈夫哉無如當人偏偏要無事生事